

Segun e mama Beth Twitty

Natalee tin un bon relacion cu su padraastro

ORANJESTAD(AAN): Den fin di siman DIARIO a logra di haya un entrevista cu Beth y Jug Twitty, kendenan ta mama y padraastro di Natalee Holloway.

E entrevista a tuma lugar banda di e kamber cu Natalee tabata keda aden.

Aworaki e mama y padraastro ta kedando den e kamber ey, unda cu segun amigonan di e famia, e mama ta laga e luz banda di cama cendi simbolicamente, pa su yiu regresa.

E intencion di parti di DIARIO tabata pa haya sa un tiki mas di e famia y tambe haya sa kiko opinion di e famia y amigonan ta, relaciona cu e desaroyonan den e caso.

e parti aki di e entrevista ta trata aspectonan personal di Natalee y su famia.

Beth y Tata di Natalee, kende tin un compania di aseguro a divorcia na 1993 y despues na 1998 Beth a conoce Jug Twitty, kende ta manager di un compania di staal.

Natalee.



Segun tanto Beth como tambe Jug, Natalee tin un bon relacion cu su padraastro. Segun Beth, e relacion ta asina bon, cu el a yega di usa ehempel di su experianciaan positivo, pa conseha amiganan di dje, kendenan tambe na un momento di nan bida a haya nan mes confronta cu un padraastro.

DIARIO a puntra sra Twitty, ki clase di persona Natalee ta, unda cu el a bisa cu

Segun Beth, e relacion tambe entre Natalee y su yiu homber di 16 aña ta hopi bon.

E mama a bisa tambe cu apesar cu Natalee ta hopi serio pa cu su futuro, e ta gusta goza di bida tambe, unda cu e ta un mucha hopi alegre y e tin hopi amiga, cu ta algo hopi importante pe.

Un di e hobynan mas importante pa Natalee ta balia, sinembargo e ta envolvi tambe hunto cu otro



Despues di ta cu otro pa 2 aña nan a casa riba 26 di Juli 2000, pues e aña aki lo ta 5 aña, cu Jug ta padraastro di

Natalee ta un persona hopi ambicioso, caminda cu e ta pone metanan pa su mes, cu tur biaha e ta alcanza.

muchanan, den trabaonan boluntario.

DIARIO a puntra mama di Natalee kiko ta cuminda favorito di su yiu muher, unda cu e mama a contesta cu Natalee, no tin algo specifico cu e gusta come mas cu otro cas.

Su gusto ta hopi varia segun Beth.

DIARIO a puntra mama y padraastro di Natalee pa conta algo comico cu a yega di pasa cune, of cu el a hasi. Jug a conta cu algun aña atras Natalee tabata tin un cacho blanco y el a dicidi di coi "marker" di diferente color y pinta cara di e cacho. Beth Twitty a conta cu el a traha 22 aña caba como maestra pa hendenan cu limitacionnan grandi y cu algun aña pasa Natalee a cuminsa babysit 2 mucha cu autismo, cu a hasie hopi orguyoso di su yiu.

El a bisa cu awor cu Natalee a gradua pa bay College, ta comienzo di henter un episodio nobo y importante den su bida.

DIARIO a puntra Beth si su yiu muher a yega di introduci un amigo na dje of si el a yega di tin un guy.

E mama a bisa cu Natalee tabata tin hopi amigo y amiga, sinembargo nunca e tabata tin un guy.

Segun padraastro di Natalee, na 2003 su yiu homber a bin Aruba cu un grupo di 39

mucha cu a gradua na Alabama y el a bisa cu e grupo di su yiu a pasa asina bon, cu cada aña tabata tin mas mucha di Alabama cu ta bin Aruba, unda cu e grupo a crece y awor e aña aki a bin pues mas di 120 estudiante. E yiu homber a conta su tata tambe cu ora cu nan a bay Carlos & Charles, tabata tin mucha muherman cu ta bira hopi wild, quizas pa motibo di e alcohol cu nan a bebe y cu na cierto momento e mester a interveni, pa stop algun homber ariba di e edad di 30, cu tabata tin intencion di bay cu algun di

e mucha muherman cu tabata wild.

Mama y amigonan di e famia a mustra DIARIO varios articulo cu hendenan di Alabama ta trahando, como muestra di fe y sosten pa cu e caso di Natalee, unda cu tin diferente sorto di armband, cruznan traha di kraalchi, T-shirt, pechi y otro cosnan.

E amigonan di Beth y Jug Twitty ta resa tur dia y ta traha duro pa yuda sostene e famia, kende ta sperando riba regreso di Natalee Holloway.

Bo kier fura bo matras?



- Ta revisa bo matras completamente
- Bon calidad di Tela
- Borda cu extra foam pa mihor support
- Busca mainta y entrega atardi

Nos ta e mihor opcion!

SLEEP COMFORT

MATTRESS & FOAM COMPANY N.V.

Sabana Blanco 34-A
Tel. 582-2709 of 582-4405